

Exposiziun publica

Dumonda d'approvaziun per ina soluziun transitorica da la restituziun d'aua da dotaziun a partir da la serra d'accumulaziun Burvagn fin il reconcessiunament da l'Ovra idraulica Casti vest, Ovras electricas da la citad da Turitg (ewz), vischnancas da Surses e d'Alvra

Exposiziun publica dals **10 da favrer 2022 fin ils 14 da mars 2022** tenor ils art. 57 ss. da la Lescha davart il dretg da las auas dal chantun Grischun (LDAG; DG 810.100).

Las Ovras electricas da la citad da Turitg (ewz) dumondan ina soluziun transitorica per la restituziun d'aua da dotaziun a partir da la serra d'accumulaziun Burvagn fin il reconcessiunament da l'Ovra idraulica Casti vest. Las valurs directivas respectivas areguard l'ecologia da las auas èn vegnidas fixadas en la gruppa accumpagnanta tar l'art. 80 da la Lescha federala davart la protecziun da las auas (Lescha federala davart la protecziun da las auas, LPAuas, CS 814.20) e silsuenter approvadas en moda prospectiva da la Regenza en la disposiziun concernent la sanaziun da las auas restantas (conclus nr. 1109/2016 dals 20 da december 2016). La soluziun transitorica duai valair fin che la dumonda ch'è exponida paralalamain e publicamain, per il reconcessiunament da l'Ovra idraulica Casti vest vegn realisada e fin ch'il project ch'è integrà en questa dumonda, per garantir las restituziuns d'aua da dotaziun tenor ils art. 31 ss da la LPAuas (francadas en la concessiun dal dretg da las auas nr. 1030063 dals 22 da december 2021) sco er per far las adattaziuns architectonicas necessarias a las tschiffadas d'aua existentas vegn approvà.

La dumonda d'approvaziun dals 22 da december 2021 menziunada en il titel e la disposiziun da sanaziun (protocol nr. 1109/2016) menziunada qua survast èn exponidas en il Center administrativ Sinergia, Ringstrasse 10, 7001 Cuira, sco er en las vischnancas da Surses e d'Alvra per prender invista. Per prender invista fisicamain dals documents sto en mintga cas vegnir fixà in termin cun la recepziun dal Center administrativ Sinergia (081 257 50 55). Ils documents stattan ultra da quai er a disposiziun electronicamain sin la pagina d'internet da l'Uffizi d'energia e da traffic dal Grischun sut la rubrica "Actualitads".

Tgi ch'è pertutgà da l'exposiziun e po far valair in interess degn da vegnir protegì ch'il project vegnia realisà, impedì u midà (art. 57 en cumbinaziun cun l'art. 54 LDAG), ha il dretg da far protesta cunter il project, e quai en scrit e cun ina curta motivaziun. Il dretg da far protesta ha plinavant tgi ch'è autorisà tras il dretg federal da far quai.

Las protestas ston vegnir inoltradas entaifer il termin d'exposiziun al Departament d'infrastructura, energia e mobilitad dal Grischun, Ringstrasse 10, 7001 Cuira.
